



ЎЗБЕКИСТОН RESPUBLIKASI VAZIRLAR MAHKAMASINING QARORI

2020 yil « 23 » сентябрь

№ 581

Toshkent sh.

Озиқ-овқат саноати соҳасини бошқариш тизимини янада такомиллаштиришга доир чора-тадбирлар тўғрисида

Мамлакатда озиқ-овқат саноатини ривожлантиришда бозор механизмларини жорий қилиш, соҳада давлат иштирокини қисқартириш ва рақобат муҳитини янада мустаҳкамлаш мақсадида Вазирлар Маҳкамаси қарор қилади:

1. Ўзбекистон Республикаси Президентининг “Республика озиқ-овқат саноатини жадал ривожлантириш ҳамда аҳолини сифатли озиқ-овқат маҳсулотлари билан тўлақонли таъминлашга доир чора-тадбирлар тўғрисида” 2020 йил 9 сентябрдаги ПҚ–4821-сон қарорига мувофиқ “Ўзбекозиқовқатхолдинг” ХК тугатилаётганлиги маълумот учун қабул қилинсин.

2. Қуйидагилар:

“Ўзбекозиқовқатхолдинг” ХК таркибига кирувчи ташкилотларнинг устав жамғармаларидаги давлат улушлари иловага мувофиқ Давлат активларини бошқариш агентлигига;

“Ўзагроэкспортбанк” АТБ ва “Агробанк” АТБ устав капиталларидаги “Ўзбекозиқовқатхолдинг” ХК улуши Молия вазирлигига баланс қиймати бўйича бепул ўтказилсин.

3. Ўзбекистон Республикаси Давлат активларини бошқариш агентлиги:

иловада назарда тутилган ташкилотларни хусусийлаштиришга тайёрлаш, уларнинг жозибадорлигини ошириш, савдога чиқариш бўйича ҳар бир тадбирни аниқ амалга ошириш муддати ва масъул шахслар кўрсатилган чора-тадбирлар режаларини икки ой муддатда тасдиқлаш учун Вазирлар Маҳкамасига киритсин;

2021 йил 1 мартга қадар иловада назарда тутилган ташкилотларнинг устав жамғармаларидаги давлат улушларининг белгиланган тартибда оммавий савдоларга қўйилишини таъминласин;

белгиланган тартибда сотилмаган ташкилотларнинг мол-мулкидан самарали фойдаланиш бўйича таклифларни уч ой муддатда Вазирлар Маҳкамасига киритсин.

Инвестициялар ва ташқи савдо вазирлиги билан биргаликда салоҳиятли, жумладан, хорижий инвесторларни мазкур бандга мувофиқ реализация қилинадиган объектлар ҳақида кенг хабардор қилиш ва уларни харид қилишга жалб этиш бўйича зарур чора-тадбирларни кўрсин.

4. “Ўзбекизоқовқатхолдинг” ХКни тугатиш комиссияси асосий турдаги озиқ-овқат маҳсулотларини харид қилиш учун Ўзбекистон Республикаси Молия вазирлиги томонидан ажратилган қарзларнинг “Ўзбекизоқовқатхолдинг” ХК тизимидаги ташкилотлар омборхоналарида сақланаётган шакар маҳсулотларини реализация қилишдан тушган ва бошқа маблағлар ҳисобига 2021 йил 1 февралга қадар тўлиқ қопланишини таъминласин.

5. Мазкур қарорнинг бажарилишини назорат қилиш Ўзбекистон Республикаси Вазирлар Маҳкамасининг Аграр ва озиқ-овқат соҳаларини ривожлантириш масалалари котибияти ва Ўзбекистон Республикаси Давлат активларини бошқариш агентлиги директори С.Х. Бекенов зиммасига юклансин.

**Ўзбекистон Республикасининг
Бош вазири**



А. Арипов



Вазирлар Маҳкамасининг
2020 йил «23» сентябрдаги **581** -сон қарорига
илова

**“Ўзбекизоқовқатхолдинг” ХК таркибига кирувчи ташкилотларнинг устав
жамғармаларидаги Давлат активларини бошқариш агентлигига баланс
қиймати бўйича бепул ўтказиладиган давлат улушлари
РЎЙХАТИ**

Т/р	Ташкилотлар номи	Давлат улуши микдори, фоиз	Суммаси, млн сўм
1	“Shakh Gardens” МЧЖ	20	4 000,0
2	“Osiyo Elga Baraka” МЧЖ	35,6	1 800,0
3	“Bespilotnie Tehnologi” МЧЖ	100	1 470,0
4	“Ўзагроэкспорт” АЖ	18,6	1 199,9
5	“Sangzor Tabiiy Sut” МЧЖ	100	676,6
6	“Чимбой мой” МЧЖ	90,2	605,8
7	“БСБ Сабзавод уруғлари” МЧЖ	100	550,0
8	“Янгийўлёмой” АЖ	3,93	332,5
9	“Дехконсавдо” ДУК	100	218,0
10	“Gallaorol-Agro-Export” МЧЖ	57,14	200,0
11	“Ташкент ёғ-мой комбинати” АЖ	5	196,5
12	“Anhor Company” МЧЖ	3,9	156,4
13	“ВКQ-Besler Kristall Quvvat” МЧЖ	25	153,1
14	“ЎЗБАТ” АЖ	2,59	147,6
15	“Ковар ишлаб чиқариш ва экспорт қилиш маркази” МЧЖ	30	108,0
16	“Angren Logistika Markazi” АЖ	0,48	100,0
17	“A'lo sifat sinov laboratoriya” МЧЖ	100	100,0
18	“Oziqovqatzomin” МЧЖ	100	100,0
19	“Zamonaviy issiqxona” МЧЖ	100	100,0
20	“Oziqovqat-injiniring” МЧЖ	100	75,0
21	“Урганч гўшт” МЧЖ	25	61,3
22	“МТ Инвест-Импекс” МЧЖ	6,21	54,1
23	“Shafran ilmiy tadqiqot markazi” МЧЖ	7,14	50,0
24	“Таъминот маркази” МЧЖ	25	26,6
25	“Mandjoukov Food” МЧЖ	5,96	23,8
26	“Китоб анори” МЧЖ	6,13	23,0
27	“Choy yetishtirish rivojlantitish ilmiy-ishlab chiqarish markazi” МЧЖ	5,2	20,0
28	“ПЭТ Пласт оил” ҚК МЧЖ	17	17,0
29	“Озиқ-овқат саноат таълим сервис” МЧЖ	100	10,2
30	“Андижан Фларуп оил” ҚК МЧЖ	10	13,3
31	“Avtosanoat Agro” МЧЖ	0,2	7,0
32	“Семменной картофел” ҚК МЧЖ	33	3,8
33	“Қишлоқ ҳаёти газетаси” МЧЖ	2,5	3,0
34	“Гўштсутсаноат” МЧЖ	100	1,3
35	“Савдогарбанк” АТБ	0	2,3
36	“Қарши ёғ” ҚК МЧЖ	10	1,2